



Innarluutilinnut siunnersuisoqatigiit

Imaqarniliaq

Sisamangorneq 12. maaji 2015 nal. 10:00 - 12:00
Grethep allaffia, ISI-p illutaani 2. sal

Ilaasortat

Karin Pedersen Thorsen, *Siulittaasoq (Nuuk)*
Eli Abelsen, *Siulittaasup tullia (Tasiilaq)*
Jørgen Jeremiassen (Paamiut)
Helene Josefsen (Nuuk)

Ingerlatsivimmit:

Grethe H. Nielsen, pisortaq
Kirsten Bødker, fagchefi
Amalie Pedersen, fagchefi

Lone Rosengreen Pedersen, imaqarniliortoq

Peqataasinnaanatik nalunaartut:

Helene Josefsen
Allison Hansen



Oqaluuserisassat

1. Oqaluuserisassat akuerineqarnerat	3
2. Nalunaarutit	3
3. Ilisimatitsissutit	4
3A Nuummi Paamiunilu inersimasunut tunngatillugu sammisassanik katititsineq.....	4
3B Ussersorneq oqalunnerlu pillugit IPIS-imik suleqateqarneq.....	4
3C Tarnikkut nappaatillit pillugit ulluat.....	4
3D Innarluutilinnut tunngatillugu kisitsisit atorlugit nalunaarsuinerit.....	4
3E Ippiarsuup allilernerqarnerata ammaanersiornera atoqqaarfissiorneralu.....	4
3F Autismertunut siunnersortit	4
3G Immikkoortumut pilersaarut	4
3H Sisimiuni Innarluutilinnut sullissiviup killiffia	5
3I Danmarkimit Nunatsinnillu angerlartitsinissaq pillugu najoqqutassiaq.....	5
3J 9. aprili 2015-imi immikkut sammisaqarnerup malitseqartinneqarnera	5
4. Apeqquteqaatit.....	5
5. Aalajangernerit	6
6. Taasariaqartut allat.....	6



1. Oqaluuserisassat akuerineqarnerat

2. Nalunaarutit

02A Siulittaasumit

Immikkut sammisaqartitsineq ingerlanneqarluarpoq, peqataasut kommunimilu sulisut akornanni oqaloqatigiinneq pitsaasuulluni.

02B Ingerlatsivimmit

Isumaginninnermut, Suliffeqarnermut Inuussutissarsiornermullu Ingerlatsiviup taavalu Meeqqanut, Ilaqutariinnut Atuarfeqarnermullu Ingerlatsiviup innersuutigaa, Kammagiit Isumaginninnermut, Suliffeqarnermut Inuussutissarsiornermullu Ingerlatsivimmut nuutinneqassasoq, matumani atuisut 18-it sinnerlugit ukioqartuummata. Inuusuttut najugaqarnissaannik neqeroorinissamat inersimasunngornissaannut inuunermit piareersarnissaat siunertaralugu, immikkut ittunik neqeroorusiortoqarnissaa pilersaarutaavoq. Najugaqarnissamat neqeroorutit saniatigut, suliffeqalernissaat, ilinniagaqalersinnaanissaat sulissutigineqassapput. Taakkulu saniatigut Kammagiinni inuusuttunut cafémik klubimilluunniit pilersitsisoqassaaq.

Innarluutilinnut peqatigiiffiit peqatigalugit, juuni 2015-imi ualikkut ataatsimiinnissamat aggersaanissarput pilersaarutaavoq.

Utoqqarnut inunnullu innarluutilinnut suliat allattorsimaffii naammassipput kommunillu nittartagaaniilereerlutik: www.sermersooq.gl

Paamiuni timimik sungiusaasoq pillugu, atorfininnissamat oqaloqatiginninnerit SANA peqatigalugu ingerlanneqarput. Ukiap ingerlanera inissikkumaarpoq.

Asii Chemnitz Narup Kommuneqarfik Sermersuumi Inuiaqatigiinnut iluaqutaasussamik siuarsaanissamat suliffeqarfimmik pilersitsinissaq pillugu kommunalbestyrelsimut siunnersuuteqarpoq. Inuiaqatigiinnut iluaqutaasussamik siuarsaanissamat suliffeqarfiup qulakkeerniagassaatus siunertarineqarput:

- Inuiaqatigiinni sanngiinnerusut pillugit inuiaqatigiinnit akisussaaffik annerusoq
- Inuiaqatigiinni sanngiinnerusut isumaqarnerusumik inuuneqalernissaannut neqeroorfigissallugit
- Killilersuineq pinnagu, innuttaasut periarfissaat annertunerusumik sammiutigalugit, kommunip ineriartorneranut tunniusseqataaneq

Isumaginninnermut, Suliffeqarnermut Inuussutissarsiornermullu Ataatsimiititap 18. maaji 2015-imi ataatsimiinnerminni siunnersuut akuersissutigaa taavalu siunnersuut innarluutilinnut tunngatillugu Immikkoortumut pilersaarummut ilanngunneqassasoq akuersissutigalugu.

Innarluutilinnut tunngatillugu immikkoortumut pilersaarut aallartisarneqarpat, killiffik qulaajarneqassaaq periarfissallu saqqummiunneqarlutik.



3. Iisimatitsissutit

3A Nuummi Paamiunilu inersimasunut tunngatillugu sammisassanik katititsineq

Aaqqissuussatigit allangortiterineq aallartinneqarpoq, sullissinermut qaffasissuseq attanneqaannarluni.

3B Ussersorneq oqalunnerlu pillugit IPIS-imik suleqateqarneq

Paamiuni sulisut "Ussersornermut Oqalunnermullu" pikkorissartinneqarput, Paamiuni tusaasamikkut innarluutillit tappiitsullu pitsaanerusumik sullinneqarnissaat siunertaralugu.

3C Tarnikkut nappaatillit pillugit ulluat

Nuummi, Tasiilami Paamiunilu tarnikkut nappaatilinnut ulloqartitsinerit kajumissutsiminnik sulerusussuseqarluartunit aaqqissuunneqartut ornigarneqarluartut ingerlanneqarput. Aaqqissuussanut 50.000 koruunit missaanni atorneqarput.

3D Innarluutilinnut tunngatillugu kisitsisit atorlugit nalunaarsuinerit

Innarluutilinnut tunngatillugu kisitsisit atorlugit nalunaarsuinertalik ilanngussaq tunniunneqartoq sammineqarpoq. Iisimatitsisoqarnera naapertorlugu, Danmarkimi meeqqat inissinneqartut pillugit kisitsisit tassaasut, meeqqat efterskolertut imaluunniit Særlig Tilrettelagt Uddannelser (STU) ingerlakkaat taamaattumik angerlarsimaffiup avataanut inissinertut ataavartussatut isigineqassanngillat.

Iisimatitsissutigineqarportaaq Isumaginninnermut, Suliffeqarnermut Inuussutissarsiornermullu Ataatsimiititaq piffissami maajip ulluisa 25-annii 2015 juunip ulluisa sisamaat 2015-ip tungaanut angalassaaq, ilaatigullu Aalborgip Kommunia peqatigalugu STU-p iluani suleqatigiinnissamut periarfissat misissorneqassasut.

3E Ippiarsuup allilernerqarnerata ammaanersiornera atoqqaarfissiorneralu

Ippiarsuummi 19. maaji 2015-imi atoqqaarfissiorinissaq pilersaarutaavoq, tamatumunngalu atatillugu Innarluutilinnut siunnersuisoqatigiinni siulittaasoq aggersarneqarluni. Ippiarsuup ilaneqarnerani innuttaasut sisamat angerlartinneqassapput. Ataaseq Qaasuitsup Kommunianit, ataaseq Kommune Kujallermit, ataaseq Aaqamit ataaserlu Danmarkimit.

3F Autismertunut siunnersortit

Autismertunut siunnersortit suliffeqarfiupput, inuit autismeqartut najugaqarnissaannik neqeroorisarnermut tunngatillugu immikkut ilisimasaqartut. Autismimik sakkortunerpaamik atugaqartut najugaqarnissaannik neqeroorfigineqartarlutik. Najugaqarnissamut neqeroorutininik pilersitsisoqarnissaa sulissutigineqarpoq, siunnersortillu pulaarsimalereerput. Ingerlatsivittaag siunnersortinut pulaarlutik.

Sanaartornissamut aningaasaateqarfinit aningaasalerneqarnissaat misissorneqarpoq.

Inuit autistertut kommunimi qasserpiaanersut kisitsisaatigineqanngillat. Ilaqarput najugaqatigiiffinni najugallit, ilaallu namminneq inigisaminni najugaqarlutik.

3G Immikkoortumut pilersaarut

Innarluutilinnut tunngatillugu immikkoortumut pilersaarutip suliarinera aallartinneqarpoq. Immikkoortumut pilersaarummiissaaq suliassaqarfiup killiffia, inuit innarluutillit pillugit ilisaritsineq maannakkullu neqeroorutaasut. Kommunimi suliassarineqartut immikkoortumut pilersaarummi



allaaserineqarsimassapput. Suliassaqarfimmi sumut ingerlassanerluni, aaqiissutissatut periarfissat Immikkoortumut pilersaarummi siunissami pigineqassapput.

3H Sisimiuni Innarluutilinnut sullissiviup killiffia

Sisimiuni Innarluutilinnut sullissivik, nuna tamakkerlugu sullissiviususaaq Namminersorlutik Oqartussat ataanniittoq. Illup titartagartai suliarineqareerput toqqavissaalu sumiissusersineqareerluni. 2017-imi naammassineqarnissaa naatsorsuutigineqarpoq. Suleqatigiissitap kommuninit tamanit peqataaffigineqartup, sullissivimmi neqeroorutit qanoq ittuussanersut eqqartorpaat.

Sullissivissaaq naammassineqarpat, IPIS sullissivimmut nuusaaq.

3I Danmarkimit Nunatsinnillu angerlartitsinissaaq pillugu najoqqutassiaq

Angerlartitsinissamat suliap aallartinneqarnissaa pitinnagu, innuttaasoq, imaluunniit nakkutiginnittua, illuatungerisatut tusarniaaffigineqassaaq angerlartitsinissarlu akuersissutigisussaallugu.

Innuttaasoq Danmarkimit angerlartinniarneqalerpat, naleqquttumik inissaanik neqeroorutinik peqaqqaartariaqarpoq. Tamatuma kingorna Kalaallit Nunaata Sinniisoqarfia attavigineqassaaq, taannaavorlu kommunimik oqaloqatiginnittarlunilu qanimut suleqatiginnittoq.

Innuttaasoq angerlarusungippat, kommune akiliisartutut inissisimanagera allanngussanngilaq. Innuttaasoq angerlarusuppat, innuttaasumut naleqquttumik najukkamik nassaarnissaaq kommunip pisussaaffigaa.

3J 9. aprili 2015-imi immikkut sammisaqarnerup malitseqartinneqarnera

9. aprili 2015-imi immikkut sammisaqarnerup malitseqartinneqarnera immikkoortup nalunaarutit ataanni saqqummiunneqarpoq.

4. Apeqquteqaatit

Jørgen Jeremiassen sisamanik apeqquteqaateqarpoq:

1. Inuit innarluutillit namminneq najugaqartut ikuallattoornissaannut isumannaallisarneqarsinnaanersut?
2. Inuk innarluutilik tillinniarfigineqarpat qanoq iliortoqassava?
3. Isigiarsuttunut nakorsaait qalipaasorsorneqarsinnaappat?
4. Inunnik innarluutilinnik sullissisut ikiueqqaarnissamat pikkorissartinneqarsinnaappat?

Ad1. Inuit innarluutillit namminerisaminni najugallit, tapersersorteqartut, ikorfartortini immikkoortortami aqutsisoq attavigissavaat.

Ad2. Sulisut inuit innarluutillit aningaasaataannik atonerluisarnerannut tunngatillugu, Sulisoqarnermut Immikkoortortami maleruagassaqarpoq.

Ad3. Peqqinnissaqarfiup akisussaaffeqarfigaa, kommunimit nakorsaatinik tunniusseqqusaanngillat.

Ad4. Sulisut piginnaasaatigut annertusaaneq kommunimit iliuuseqarfigineqartaqaaq. Kissaatigineqarpat, ikiueqqaarnissamat pikkorissarnissap periarfissai immikkoortortami aqutsisumit misissorneqarsinnaapput.



5. Aalajangernerit

Eli Abelsenip siunnersuutigisimavaa, Utoqqarnut siunnersuisoqatigiit Innarluutilinnullu siunnersuisoqatigiit ukioq kingulleq kattutsinneqarsinnaasut. Nuup avataani najugaqartuulluni, suleqatigiinneq piffissarlu amigaataasartut, siunnersuuteqarnermini tunngavilersuivoq.

Karin: Nuup avataani kattunnissamut pitsaaquteqarnissaa ilimanaateqarsinnaavoq, siunnersuisoqatigiit marluusut kattutsinneqassappata, annertuallaassaaq. Tasiilami Inooqammi attaveqaataasoq sulianut tunngatillugu isumasiorfiusinnaavoq.

Siunnersuisoqatigiit allanngortinneqassappata, Kommunalbestyrelsip aalajangertariaqarpai, taakkumi Kommunalbestyrelsimit pilersinneqartuummata.

6. Taasariaqartut allat

Visitkortit kommunip ilisarnaataanik pillit pineqarsinnaanersut, Jørgen Jeremiassenip apeqquteqaatigaa, taamaalillunimi Innarluutilinnut siunnersuisoqatigiinni ilasortaasutut uppersaasannaaneq pisinnaaniassammat.

Kommunimi sulisut kisimik visitkortinik kommunip ilisarnaataanik pilinnik pisinnaapput, tassa imaappoq, visitkortit kommunip ilisarnaataanik pillit, Innarluutilinnut siunnersuisoqatigiinni ilasortanut tunniunneqarsinnaanngillat. Taamaattorli Innarluutilinnut siunnersuisoqatigiinni ilasortat suliaallu kommunip nittartagaatigut takutittarnerisigut ingerlatsivimmit ersarissarneqassapput.

Aalajangiisoqarpoq, Innarluutilinnut siunnersuisoqatigiit ataatsimiittarnerannit imaqarniliat kommunip nittartagaanut ikkunneqartalissasut, kikkunnit tamanit takuneqarsinnaasunngorlugit.